



Centro Nacional Chega!!P

Da Memória à Esperança



Termu Referénsia

Kompetisaun Ensaiu Refletivu

Kompetisaun hakerek bazeia ba Kolesaun Arkivu Centro Chega!!P

Nú. 4./ToR/DPM/II/2026

I. Makloke

Centro Nacional Chega!!P (Centro Chega!!P) harii ho misaun atu sai hanesan *Centro Post-Confliito* ne'ebé prezerva memória pasadu hodi promove direitu no valór umanu nian. Misaun ida-ne'e atu hatan ba vizaun Centro Chega!!P nian katak harii sosiedade inkluzivu, la repete istória moruk pasadu nian, moris iha dame no respeito ba direitu umanu (Dekretu-Lei N°48/2016).

Dezde tinan 2022 Centro Chega!!P servisu hamutuk ho UNESCO no suporta husi KOICA realiza projetu *Digitalization of CHEGA National Center for Conflict Reconciliation and Peacebuilding in Timor-Leste* ho objetivu atu bele prezerva no transmite memória no istória Timor-Leste nian hodi kria kultura dame nu'udar forsa motriz ba nasaun ninia rekonsiliasaun, rekonstrusaun no dezenvolvimentu sustentável.

Iha tinan ida-ne'e nu'udar parte ida husi projetu refere, Centro Chega!!P apoiu husi UNESCO no KOICA realiza kompetisaun ensaiu refletivu bazeia ba kolesaun arkivu Centro Chega!!P nian. Kompetisaun ida-ne'e partikularmente loke ba juventude sira.

Tipu ensaiu refletivu mak tipu hakerek personál ida ne'ebé explora autór nia hanoin, ninia sentimentu, no esperiênsia sira kona-ba asuntu partikulár ida, dala barak halo ligasaun entre hanoin pesoál no tema ne'ebé luan liu. Normalmente ida-ne'e envolve auto-ezame kritiku no introspesaun. Tuir *The Norton Field Guide to Writing* husi Richard Bullock et al. (2022), ensaiu refletivu mak ensaiu ne'ebé "*haree fali ba esperiênsia ida, analiza ninia signifikadu, no esplika saida mak bele aprende husi ida-ne'e.*"

Tan ne'e liuhusi kompetisaun ida-ne'e espera atu joven sira bele haree halo kontaktu ho esperiênsia sira vitima no sobrevivente sira-nia esperiênsia liuhusi testemuña sira mak Centro Chega! rai hela, koko komprende ninia signifikadu, refleto saida mak bele aprende husi esperiênsia moruk sira ne'e. Nune'e liuhusi kompetisau ida-ne'e Centro Chega!!P hakarak enkoraja joven sira atu explora istória, komprende ninia impaktu, no refleto kona-ba ninia relevánsia iha sira-nia moris ohin loron nian.

II. Objetivu

Objetivu sira husi kompetisaun ida-ne'e mak:

- Hasa'e interese no konxiênsia jersaun foun sira nian ba arkivu nu'udar fonte ba istória no aprendizajen.
- Enkoraja pensamentu kritiku no refletivu kona-ba istória violasaun direitu umanu iha Timor-Leste.
- Haburas ábitu hakerek sientífiku no refletivu bazeia ba fonte primária sira.
- Prodús ensaiu ho kualidade ne'ebé bele publika nu'udar matéria educativa ba públika.

III. Tema

Tema prinsipál ba kompetisaun ida-ne'e mak: "Aprende husi istória: Refliesaun Foin-sa'e Nian Kona-ba Violasau Direitu Umanu iha Pasadu."

IV. Partisipante

Kompetisaun ida-ne'e loke ba joven sira husi Timor-Leste iha kategoria sira tuir mai ne'e:

- Estudante universitáriu.
- Estudante eskola sekundária.
- Juventude ein jerál ho idade tinan 16-35.

V. Mekanizmu kompetisaun nian

5.1. Rejistu

Atu rejista hodi partisipa iha kompetisaun ida-ne'e konkorente sira tenke halo tuir mekanizmu tuirmai:

- Submete abstratu ensaiu nian (ka rezumu) ho liafuan másimu 250 ba iha Divizaun Prezervasaun no Memorializasaun (DPM).
- Abstratu tenke bazeia ba Relatóriu Chega! nu'udar referensia prinsipál.
- Prese formuláriu registrasaun nian.
- Prese formuláriu aseitasaun katak sei hakarak partisipa iha formasaun no diskusaun ka semináriu sira mak realiza iha âmbito kompetisaun ida-ne'e.

5.2. Selesaun ba abstratu (rezumu) no lista badak

- Hafoin simu abstratu (rezumu), ekipa juri sei halo selesaun ba abstratu sira bazeia ba kritériu mak iha no deside lista badak (*short list*).
- Konkorente ne'ebé pasa ba iha lista badak másimu na'in 25.

5.3. Workshop

Konkorente sira ne'ebé pasa ba iha lista badak (*short list*) sei parsitipa iha *workshop* durante loron ida ho materia sira hanesan tuirmai:

- Introdusaun ba arkivu Centro Chega!l.P.
- Prosedimentu padronizada asesu ba iha Arkivu Centro Chega!l.P.
- Peskiza arkivistika.
- Giaun hakerek ensaiu refletivu.

Konkorente ne'ebé mak la partisipa iha *workshop* sei konsidera retira ona husi kompetisaun.

5.4. Peskiza

Hafoin remata *workshop*, partisipante sira hahú halo peskiza ba iha arkivu haktuir prosedimentu padronizadu asesu nian ne'ebé aplika iha Arkivu Centro Chega!l.P.

5.5. Ensaiu kompletu

Durante ka hafoin peskiza iha arkivu, konkorente sira prepara ka hakerek ninia ensaiu kompletu ho kriteiru tuirmai:

- Ensaiu nia naruk: palavra 1.500 to'o 2.500.
- Hakerek ho lian Tetun haktuir padraun INL.

- Uza formatu akadêmiku ho referénsia ne'ebé klaru.

5.6. Prazu submisaun ensaiu kompletu

Ensaui kompletu sei submete iha loron 19 fulan-Juñu 2026.

5.7. Avaliasaun

Hafoin prazu submisaun remata, ekipa juri sei avalia ensaiu sira bazeia kriteriu ne'ebé iha.

5.8. Anúnsiu ba Manan-na'in

Manan-na'in sira sei fó sai iha pájina ofisial Centro Chega!l.P

5.9. Semináriu/diskusaun

Manan-na'in sira sei apresenta ka sai hanesan oradór ba iha semináriu no diskusaun sira ne'ebé Centro Chega! organiza iha âmbito kompetisaun ida-ne'e.

VI. Kriteriu avaliasaun

6.1 Kriteriu avaliasaun ba abstratu

Kritéria ba avaliasaun abstratu mak hanesan tuirmai:

- Konformidade ho tema (25%).
- Klareza kona-ba problema no objetivu hakerek nian (20%).
- Kualidade argumentasaun no orijinalidade ideia (20%).
- Uza Relatóriu Chega! nu'udar baze (20%).
- Sistematika (15%).

6.3 Kritériu avaliasaun ensaiu kompletu

- Konformidade ho tema (20%)
- Utilizasaun arkivu nu'udar fonte primária ho apropiadu (20%).
- Orijinalidade no kreatividade iha reflesaun (20%).
- Kualidade análise no argumentasaun (20%).
- Sistematika, estrutura no koherensia (20%).

VII. Kalendáriu

Data	Atividade
6 Marsu 2026	Loron ikus submisaun abstratu no rejistu
27 Marsu 2026	Anunsiu lista badak (<i>short list</i>)
3 Abril 2026	<i>Workshop</i>
19 Juñu 2026	Loron ikus submisaun ensaiu kompletu
3 Jullu 2026	Anunsiu Manan-na'in
17 Jullu 2026	Seminariu

Kalendáriu ida-ne'e sei bele iha mudansa, bainhira iha mudansa mak Centro Chega!l.P liuhusi divizaun relevante sei halo anunsiu públiku.

VIII. Prémio

Kompetisaun ida-ne'e fornese prémio hanesan tuirmai:

- Primeiru lugar: \$ 1.000,00 USD.
- Segundu lugar: \$ 750.00 USD.
- Terseiru lugar: \$ 500.00 USD.

Partisipante sira seluk sei hetan sertifikadu apresiasaun no oportunidade atu ninia ensaiu bele inklui iha publikasaun livru ne'ebé Centro Chega! prodús.

IX. Fonte orsamentu

Realizasaun atividade kompetisaun ensaiu reflektivu ne'e finansia husi orsamentu doador UNESCO liuhusi *projeto Digitalization of CHEGA National Center for Conflict Reconciliation and Peacebuilding in Timor-Leste*.

X. Maktaka

Centro Chega! I.P espera kompetisaun ida-ne'e hein atu hasa'e konxiénsia jerasaun foun sira nish kona-ba importánsia husi arkivu istóriu no dezenvolve tradisaun reflesaun kritiku sira kona-ba pasadu. Centro Chega! I.P konvida juventude Timor-Leste tomak atu partisipa iha esforsu hamutuk hodi prezerva memória istórika ba futuru ne'ebé di'ak liu.

Dili, 19 Janeiru 2026

Prepara husi



Maria Abrantes
OPT

Verifika husi



Avelino de J.B. Ximenes
Xefe Dept. DPM

Sertifika husi



Yazalde Manaka Savio
D-DPM

Aprova husi



Hugo Maria Fernandes
Diretur Exekutivu